

溫熱經解

41
3



中醫改進研究會代刊

溫熱經解

江蘇沈漢卿著於天津合濟醫院

男懋
宗少卿
官肖卿氏謹按

溫疫治驗附

大興石印館
南肖牆



北京中醫藥大學圖書館藏

提倡科學
改良古註
神聖心傳
翻板不究

闡發病源
補救時醫
大放光明
校對毋訛

天津大費家胡同合濟醫院沈識

自序

當閱溫病條辨與溫熱經緯而知軒岐長沙之書無入不
究何也。熙熙攘攘。名利是求。其所以率爾操觚者。皆名利
之心迫而出之。其於古聖心傳。固漠然無所動於中。不求
經旨。妄加註釋。晉叔和唐王冰誤解於前。各註家誤解於
後。一誤再誤。致令神聖相傳之醫學。湮沒二千有年。迄未
發明。而吳鞠通王孟英輩。復欲撇去傷寒。獨開生面。而不
自知其愚昧。集葉氏指南數方。以行於世。可為葉氏功臣。
其實則仲景之罪人也。仲景論桂枝湯為太陽中風之主
方。太陰病脈浮者為風寒在表。尚宜此湯。並未言溫病宜

桂枝湯主之。而鞠通論溫病。開首即以此方誣聖。其不明經旨可知矣。仲景論傷寒霍亂。宜五苓四逆理中等方。而鞠通誤解。以治溫病霍亂。以熱治溫。其不殺人也幾希。仲景論少陰病。寒傷少陰也。而孟英以少陰病為溫病。竊附於仲景門牆。以誤後學。此胡為者。噫。自晉迄今。以藥試病。於試驗中。幸得數方。即稱名醫。知其然而不知其所以然。病理不明。死生莫決。此中國醫學。所以日趨於腐敗也。近時英俊。又復喜新厭故。競尚西學。不知西人之性質。西方之風土。與中國大不相同。其人性情強。皮膚密。毫毛堅。其病生於內。故西醫論病。皆曰肺病。肝病。腸胃病。治法皆宜。

內攻也。華人性情柔。皮膚疏。毫毛軟。其病生於外。故中醫論病。皆曰風寒暑濕燥火。治法當從外解也。習慣不同。病情不同。治法是以不同。人身一氣機耳。熱則氣泄。寒則氣收。收則病入。泄則病出。氣存則生。氣絕則死。病雖千變。氣化則一。此我國醫聖所以作傷寒雜病論也。西醫不言氣化。專事實驗。輒遇瘟疫。即倉惶失措。中醫但言天地之氣化。而不求人身之氣化。是以註傷寒家。皆曰少陰之上。熱氣治之。陽明之上。燥氣治之。此非天地氣化乎。天地之少陰為君火。人身之少陰為腎水。天地之陽明燥金為寒燥。人身之陽明燥土為火燥。仲景論人身。註家說天地。此醫



聖經旨。所以迄未發明也。麀不敏。不能將各國醫學。兼收並蓄。竊願發明經旨。俾後學見病知源。詳釋經文。分別溫熱。辨西方瘟疫之名。集平時經驗之方。不揣固陋。類聚成篇。尚祈中西同志。繩愆糾繆。發明人身氣化之病理。庶使古聖心傳。大放光明於世界。

中華民國九年一月工旬
江蘇沈麀漢卿氏著於天津
合濟醫院



凡例

一五運六氣。天地之氣化也。傷寒傳經。人身之氣化也。各註家不解虛字。是以多誤。是書於太陽篇中。悟出人身冬令之氣化。於陽明篇中。悟出人身春夏秋三時之氣化。此乃醫聖心傳之要。學者若能於人身氣化中求病理。思過半矣。

一溫病者。天氣為病也。風自南方來。天氣大溫。民即病溫。溫邪傷經。當按經施治。病不解。則化為熱病。人之氣化為病也。傷寒化熱。伏氣為溫。皆人之氣化為病也。分經施治。治法本同。其有不同者。傷寒救陽。溫病救陰。此力

秋冬人氣收藏。春夏人氣外泄之故耳。拙著有傷寒問
答。現已脫稿。擬集資付刊。有願出資者。函致天津大費
家胡同合濟醫院可也。

一瘟疫者。地氣為病也。天以陽生陰長。地以陽殺陰藏。故
地氣傷人。天氣不降。則地氣上升。如冬令無雪。民病瘟
疫。其氣由地下發生。鼠先受病。即名鼠疫。其氣由口鼻
入脾胃。故傳染法當攻下化熱以後。人氣為病。治法與
熱病同。西醫不言氣化。以傳染病為瘟疫。不知天氣為
病。亦能傳染。如風熱咳嗽。其氣由鼻入肺。病氣相傳。西
人誤以為肺疫。名之曰百斯篤。不知風能生蟲。乃氣化

之常理。風去蟲自絕。風不去。則久成癆。此非地氣為病。不能殺人。其有不愈者。誤治之過也。

一肝氣病者。人之本氣為病也。經云。怒則氣上。恐則氣下。思則氣結。驚則氣亂。喜則氣緩。悲則氣消。勞則氣耗。氣行血從。氣順血調。舒其肝氣。調其胃氣。治法與治天氣為病迥不相同。是篇專論溫熱。不及雜病。故納之於治驗中。另立方藥。如各種欬嗽。五色痢疾等症。各附於後。學者當求之於治驗中。

一醫聖經文。一字包含數十義。一語耐人數日思。其經義盡在虛字中。與無字處。各註家不但不解虛字。並實字

之義亦不加察。各逞己見。不於原文中求經義。而於原文外。為之加增字句。使後學盲從。誤盡蒼生。致令傷寒論一書。無人敢讀。變成荒經。是因伏氣溫病本傷寒引以為症。略加新鮮。而辨症辨脈諸大法。不及備載。不能見病知源。學者欲明病理。當求之於傷寒問答中。

一 仲景於傷寒傳經。發明人身經氣為病。是書於肝氣病中。發明人身藏氣為病。復於瘟疫中。發明地氣為病。天氣病宜散。地氣病宜降。人氣病宜和。經氣為病。辨脈症。藏氣為病。分營衛。學者果能於氣化中求治法。則千變萬化。庶有準則矣。

溫熱經解

江蘇沈麟漢卿氏著於津門

長男懋宗少卿氏謹按

六元正紀大論曰。辰戌之紀。太陽司天。氣化運行。其病。天之氣。地氣遷。氣乃大溫。草木早榮。民乃厲。溫病乃作。其病。身熱頭痛。嘔吐。肌腠瘡瘍。卯酉之紀。陽明司天。氣化運行。其病。遂夭。二之氣。陽乃布。物乃生榮。厲大至。民善暴死。終之氣。陽乃布。候反溫。蟄蟲來見。流水不冰。民乃康平。其病溫。寅申之紀。少陽司天。氣化運行。先天初之氣。地氣遷。風勝乃搖。寒乃去。候乃大溫。草木早榮。寒來不殺。溫病乃起。其病。氣怫於上。血溢目赤。咳逆頭痛。血崩脇滿。膚腠中瘡。三之



氣。民病熱中。聾瞶。血溢膿瘡。咳嘔。衄渴。嚏欠。喉痺。目赤。
善暴死。丑未之紀。太陰司天。氣化運行。遂天。二之氣。火。
正。物承化。民乃和。其病溫厲。大行。遠近咸若。濕蒸。相搏。雨。
乃時降。四之氣。畏火臨。溽蒸化。地氣騰。天氣痞。隔。寒。恒。曉。
暮。蒸熱相搏。草木凝烟。濕化不流。則白露不降。以成秋。
民病腠理熱。血暴溢。瘡。心腹滿熱。臚脹。甚則跗腫。子午之
紀。少陰司天。氣化運行。先天。三之氣。天正布。大火行。庶類
蕃鮮。寒氣時至。民病氣厥。心痛。寒熱更作。咳喘。目赤。五之
氣。畏火臨。暑反至。陽乃化。萬物乃生。乃長榮。民乃康。其病
溫。巳亥之紀。厥陰司天。氣化運行。後天。四之氣。溽暑濕熱。

相搏爭於左之上。民病黃痺而為跗腫。終之氣畏火。司陽乃大化。蟄蟲出見。流水不冰。地氣大發。草乃生。其病溫厲。

此論客氣溫病也。其病皆發於君相二火司令之時。其時依年辰固可按圖而索也。其為病也不過身熱頭痛耳聾目暝。衄血。咳嗽。嘔渴。喉痺。目赤。瘧心。腹滿。熱。臚脹。黃痺。跗腫。血溢。血崩。肌腠。瘡瘍。暴死等症而已。與後人所論溫病始於上焦。由中焦而病及下焦者迥不相同。何也。病有客氣伏氣之分。是經所論客氣溫病也。後人所論伏氣溫病也。伏氣溫病本冬傷於寒。後人論傷寒。



由表入裏。溫病自上而下。欲撇去傷寒。獨開生面。以論溫而不自知其無知妄作。不但於仲景經文未明經旨。並於內難二經所論溫病。概不符合。此乃無根之學。說不足道也。仲景論傷寒。有寒邪傷經。由經傳經者。有寒邪傷表。由表入裏者。寒邪入裏。先入胸為胸滿。由心而入心下為心下痞。由心下而入腹中為脹滿。其病皆自上而下。伏氣溫病。本冬傷於寒。寒邪伏於骨與肩背之膂。筋至春。病隨氣化。由筋骨而出走肌肉。化為溫病。由肌肉外達皮毛。發為熱病。伏寒化溫。自裏出表。乃人身之氣。隨時變化使然。所謂自上而下者。乃人之胃氣。不能

使邪氣外解。則邪氣入裏。由上焦而入中焦。甚則深入下焦。其病由衛入營。由表入裏也。夫病之所以由表入裏。自上而下者。皆人之氣化使然。非病能使然。寒邪從毛竅入。溫邪亦從毛竅入。不得以溫邪為從口鼻入。不能從毛竅入也。何也。人之口鼻呼吸。毛竅亦呼吸。病氣隨呼吸入人身。固無分乎寒與溫也。惟瘟疫傳染地氣為病。穢濁氣味。由口鼻入耳。

難經五十八難曰。溫病之脈。不知何經之動也。各隨其經之所在而取之。

此論客氣溫病之脈也。傷寒傳經。客氣溫病不傳經。其

病隨君相二火司令之時。溫邪傷經而後發。發於陽明太陰者。為身熱。鼻衄。渴喘。喉痺。黃疸。跗腫。肌膚蒼瘍。發於少陽厥陰者。為頭痛。目赤。血溢。血崩。咳喘。脇滿耳聾。目瞑。嘔逆。心痛。其病有定時。而無定處。隨其所傷之經。而以針取之。難經專論針法。未言方藥。自仲景發明經求經旨。是以長沙之學未明。而軒岐箴灸之法。漸失真傳矣。

客氣溫病治法

辰戌之紀。太陽司天。初之氣。少陽相火司令。溫邪傷人頭